

POLISI KESIHATAN, KESELAMATAN DAN ALAM SEKITAR

Cenergi SEA komited untuk mengekalkan pawaian tertinggi dalam prestasi Kesihatan, Keselamatan dan Alam Sekitar (HSE) di semua projek dan operasi tenaga boleh diperbaharui kami. Komitmen kami terhadap kelestarian dan kecemerlangan operasi mendorong kami untuk memastikan tempat kerja yang selamat, sihat dan bertanggungjawab terhadap alam sekitar untuk para pekerja, pihak berkepentingan, kontraktor, pelawat serta komuniti yang kami berkhidmat.

Komitmen Kami:

1. **Keselamatan Diutamakan:** Kami mengutamakan kesihatan dan keselamatan pekerja, kontraktor dan pihak berkepentingan dengan mengenal pasti, menilai dan mengurangkan risiko bagi mencegah kemalangan, kecederaan dan penyakit pekerja.
2. **Pematuhan Peraturan:** Kami mematuhi semua undang-undang, peraturan dan amalan terbaik industri yang berkaitan dengan HSE untuk memastikan pematuhan sepenuhnya dan penambahbaikan berterusan dalam operasi kami.
3. **Amalan Lestari:** Kami bertekad untuk mengurangkan jejak alam sekitar dengan mempromosikan kecekapan tenaga, mengurangkan pelepasan gas rumah hijau dan mengurus sumber semula jadi secara bertanggungjawab.
4. **Pengurusan Risiko:** Kami melaksanakan langkah-langkah proaktif dalam mengenal pasti bahaya, menilai risiko dan mengawal risiko bagi mengekalkan tempat kerja yang selamat dan cekap.
5. **Persiapan Kecemasan:** Kami membangunkan dan mengekalkan pelan tindak balas kecemasan yang kukuh untuk mengurus insiden dengan berkesan dan memastikan kesinambungan perniagaan.

Tanggungjawab Kami:

- Pihak pengurusan bertanggungjawab menyediakan kepimpinan, sumber dan sokongan untuk memastikan pelaksanaan HSE yang berkesan.
- Pekerja, pihak berkepentingan, kontraktor dan pelawat mesti mematuhi semua polisi dan prosedur HSE, menyumbang secara aktif kepada persekitaran kerja yang selamat dan melaporkan sebarang bahaya atau amalan tidak selamat.
- Semua pekerja disokong dengan latihan HSE, platform untuk pelaporan segera dan digalakkan untuk mengambil bahagian secara aktif dalam inisiatif keselamatan dan alam sekitar.

Budaya HSE yang kukuh adalah asas kepada misi kami dalam memacu penyelesaian tenaga lestari. Melalui lima (5) komitmen utama ini, kami berusaha untuk mewujudkan tempat kerja yang selamat, sihat dan bertanggungjawab terhadap alam sekitar untuk semua.



Ir. Kwok Yew Hoe
Ketua Pegawai Eksekutif Kumpulan
Cenergi SEA Berhad

14 Oktober 2025